

禮書卷第一



冕服

衮冕

十二章之服

大裘而冕

冕服

鷩冕

卷九十一

書曰天命有德五服五章哉又曰予欲觀古人之象日

月星辰山龍華蟲作會宗彝藻火粉米黼黻絺繡以五

采彰施于五色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

兩已相背

周禮典絲凡祭祀共黼畫組就之物

典命上公九命其衣服以九為節侯伯七命其衣服以七

為節子男五命其衣服以五為節王之三公八命其卿

命及其出封皆加一等其衣服亦如之

公之孤四命其衣服如之

皮帛眡小國之君其卿三命其大夫再

命其衣服各眡其命之數侯伯之卿大夫士

書名 禮書一百五十卷 宋刊元修

撰者 宋 陳祥道 撰
卷九十一
經 禮 三禮總義 宋
貴重 8
A259500

彩色首頁1

東洋文化研究所漢籍目錄 編號: A259500
東洋文化研究所漢籍目錄所藏漢籍善本文影像資料庫 索書號: 貴重 8
漢籍善本文影像資料庫文本禮書一百五十卷 宋刊元修本
版權所有: 東京大學 東洋文化研究所
使用上的注意事項

禮書卷第九十

表貉

表貉

四望四方



詩曰是類是禡爾雅曰類禡師祭也禮記禡於所征之地公羊曰甲午祠兵小宗伯凡王之會同軍旅甸
投之禡祠肆儀為位肆師凡四時之大田獵祭表貉
則為位貉讀為士古之百於所立表之處為師祭逆軍
法者持氣勢之增倍也其師蓋蚩尤或曰黃帝甸祝掌四時
之田表貉之祝號大司馬中春教振旅有司表貉誓
民鼓遂圍禁中冬教大閱既陳乃設驅逆之車有司
表貉于陳前漢書稱高祖祠黃帝蚩尤於沛庭先
儒或以蚩尤為天子或以為庶人其詳不可以考然
管仲稱蚩尤作劍戟史記稱黃帝與蚩尤戰於阪泉
蓋軍法之興始於此也故後世祭之周官言貉詩與
禮記爾雅言禡其實一也貉之祭蓋使有司為之而
立表於陳前肆師為位甸祝掌祝号既事然後誓衆
而師田焉周官所謂表禡蓋言是也古者將射則祭
使將卜則祭先卜將用火則祭燿將用馬則祭馬祖
然則將師田而貉祭者不特為禡而已也唐制禡祭
為壇壝設瘞壝皇帝齋於行宮從官齋於軍幕置甲
冑弓矢於神座之側建稍於神座之後而牲幣犧象
皆有儀度然古人祭於立表之處則無壇壝其置甲
冑弓矢於神座之側建稍於神座之後理或有之同
凡筵甸役則設熊席右漆几鄭氏以為祭貉之禮
誤也

四望



書曰望于山川至于岱宗柴望秩于山川又曰柴望大
告武成詩曰時邁巡守告祭柴望禮記曰至于岱宗柴
而望祀山川周禮小宗伯祀五帝于四郊四望四類亦
如之六宗伯國有大故則旅上帝及四望典瑞兩圭有
邸以祀地旅四望璋邸射以祀山川司服毳冕以祀四
望山川大司樂奏姑洗歌南呂舞大磬以祀四望奏蕤
賓歌函鍾舞大夏以祭山川男巫掌望祀望圻旁招以
茅牧人望祀各以其方之色牲毛之大祝國將有祀于
四望則前祝春秋魯僖公免牲猶三望左氏曰望郊之
細也宣公不郊而望左氏曰望郊之屬也公羊曰天子
有方望之事無所不通三望者何泰山河海也楚昭王
曰三代命祀祭不越望哀公六年江漢睢漳楚之望也
禘之至不過是也寡人雖不敏河非所健故罪也韓宣惠

王曰寡人寢疾並走群望周共王不寵子五人
無適立焉乃有大事于群望昭七年晉語成王盟諸侯
于陽城為荆蠻置郊絕設望表與鮮卑守燎三正記
後必有望

天子四望達於四方魯三望泰山河海而已書曰海
岱及淮為徐州諸侯之望皆其境內之名山大川也
望雖以名山大川為主而其實兼上下之神故詩於
柴望言懷柔百神及河喬嶽周禮於望皆言祀而不
言祭又典瑞四望與山川異至大司樂四望與山川
異樂左氏曰望郊之細也又曰望郊之屬也公羊曰
方望之事無所不通則望兼上下之神可知矣鄭司
農釋大宗伯曰四望日月星海杜預釋左傳曰望祀
分野之星及封內山川許慎曰四望日月星辰河海

大山其說蓋有所受之也鄭康成釋大宗伯曰四望
五嶽四瀆釋大司樂又兼之以司中司命風師雨師
釋舞師又以四望為四方其言異同不可考也望之
禮有二而其用不一男巫掌望祀望衍鄭氏讀衍為
延謂望祀有牲與粢盛望衍用幣致神而已然鄭氏
於大祝衍祭亦以為延祭禮文殘缺不可考也望祀
或設於郊天之後或設於巡守之方或旅於大故之
時則望有常有不常之祀也崔靈恩謂四望之祭歲
各有四不知何據然也望祀其兆四郊其牲各放其
方之色其樂姑洗南呂大磬其王兩圭有邸其服毳
冕其位郊以辨之而植表於其中周禮所謂旁招以
弗晉語所謂置苑絕設表望是也白虎通謂周公祭
泰山以召公為尸其言雖無經見要之宗廟之尸用

同姓非宗廟之尸用異姓

祭四方

周禮大司馬春官大司馬秋祀祈舞師教帔舞師而舞

變之祭祀教羽舞師而舞四方之祭祀詩曰以我鸞

七以社以方又曰方社不莫古者言社必及方則社

為民祈方為民報祈在春報在秋詩言來方裡祀明

堂位言春社秋省則秋省歛而因祀焉此所謂來方

裡祀也鄭康成釋曲禮謂四方五官之神

元釋舞師謂四方四望也康成從先鄭之說釋大宗伯

謂四方百物八蜡也然鄭人四方在山川之下大司樂四

望在山川之上則四方非四望也舞師教羽舞師而舞

四方之祭祀鼓人凡祭祀百物之神鼓其帔舞者則

四方非百物也五官之說亦不可考大司馬於社言

祭則地示也於祐烝言享則人鬼也於方言祀蓋兼
 上下之神也祀之之禮其牲四郊其鬯蜃尊禮人凡山
 川四方用蜃其舞皇舞舜師教羽舞師一
 舜四方之祭祀各以其方之色而言曰以我犧羊以社以方周禮
 小司徒小祭祀共牛牲則四方之祭不特用羊而已
 詩言犧羊者孔穎達言犧以見純明非特羊也穎達
 之言則是謂犧為純誤矣

禮記卷第九十一終

禮記卷第九十二

社稷

大社

大夫以下社

市社

王社

諸侯社稷

國社

社主

社

